



**TERTIB ACARA KEBAKTIAN MINGGU  
GKPS P.BULAN-RESORT POLONIA MEDAN  
Minggu VI Dob Trinitatis, 19 JULI 2020**



**TOPIK:**

**"PARSOMBAHON AMPA GALANGAN HUBANI TUHAN"**

Live streaming: [www.gkpspadangbulan.com/tv](http://www.gkpspadangbulan.com/tv)

Tata Ibadah: <http://www.gkpspadangbulan.com/tatib>

**1. Votum – Introitus – Tonggo**

**P. Riap ma hita jongjong!** Ibagas goran ni Naibata Bapa, pakon Tuhan Jesus Kristus ampa Tonduy Na Pansing, Sitompa langit pakon tanoh on. Amen. Ise na manggalangkon banggalni uhur, ai do na pasangapkon Ahu, anjaha ise na mardalan ibagas hapintoran, hubani do patalaron-Ku hatuahon-Ku. Haleluya. Haleluya. Haleluya.

**K.** (mandodingkon) Haleluya... Haleluya... Haleluya..

**P. Martonggo ma hita!** Ham Tuhan Naibata, paridopni uhur na tarsulur. Tarimakasih ma hatahononami hu Bamu, halani idopni uhur-Mu na mambere malasni uhur, hadameion ampa hasadaon hubennami panorang on. Useihon Ham Tonduy-Mu hu bagas uhnami, ase margogoh hanami mantaluhon kuasani dousa, janah tongtong ipndahi hanami harajaon-Mu. Paahapkon Ham ma hubannami banggalni idopni uhur-Mu in, ase ibotoh hanami maridopni uhur homa dompak hasoman nami. Marhitei Anak-Mu Jesus Kristus sipagoluh in martonggo hanami hu Bamu. Amen. *(hundul kuria).*

**2. Mandoding 406. Hatahononta Diatei Tupa ma (1+2)**

1. Hatahononta diatei tupa ma, ai Negaranta tanoh na lambut Laut bolag dologni pe ratah, talun jenges ampar do haganup In haganupan pasu-pasu-Ni, simada kuasa Tuhan Naibata In haganupan pasu-pasu-Ni, simada kuasa Tuhan Naibata

2. Sanggah poltak mataniari in, martitalas bai sogodni in, Morum mangerbang bunga-bunga in, irandu doding ni bossala in In haganupan pasu-pasu-Ni, simada kuasa Tuhan Naibata In haganupan pasu-pasu-Ni, simada kuasa Tuhan Naibata.

**3. Hasasapan ni Dousa**

**P. Riap ma hita jongjong!** Martonggo ma hita, sopotkon hita ma dousanta hubani Tuhan Naibata! Ham Tuhan Naibata simada sagala na adong, sibotoh haganup anjaha Naibata parpintor. Iajari Ham do hanami ase manghamalaskon pasu-pasu na dob ipaondos Ham hubannami. Tapi gati do lang ihasonangkon hanami sibere-bere-Mu, janah iajamkon hanami do gogoh, pingkiran sonai age uhur nami sandiri, laho mansuhuni sura-surunami. Jajat na hurang podas do pangahapannami martambah sinadongan, gabe ipindahi hanami parhiteian na so tiba dalanni. Lang homa ipakei hanami panorang na binere-Mu in ibagas gok tanggungjawab. Gati do lolei hanami laho mangindahi ham halani mamparayak arta na laho salpu in. ham Tuhan marpangulaki ma uhur-Mu mangidah ganup dousa pakon hajahatonnami in. Hartuki Ham ma uhur nami ase ulang inunut hanami be mangkorjahon dousa pakon ganup na jahat in. Tompa Ham uhur na bayu marhitei tonduy-Mu, ase tongtong hanami manggoluh ibagas hapintoran-Mu. Ibagas Kristus Jesus sipaluah in sasap Ham dousanami anjaha jalo Ham ma tonggonami on. Amen.

**Tangar anjaha haporsayai hita ma Hatani Naibata, bahah-bagah pasal hasasapanni dousa.**

Domma hupasisih salahmu songon hambun, anjaha songon hambun na manorap dousamu. Mulak ma ho hu Bangku, ai ahu do na manobus ho. Ibagas holong Naibata, domma isasap haganup dousanta. Halani ai, pataridahkon hita ma tanda-tandani pargoluhon na bayu.

Hasangapon ma bani Naibata ibabou.

**K. Amen.** *(hundul kuria)*

**4. Mandoding 237. Roh Ham bai Jesus, Roh Ham Botul (1+3)**

1. Roh ham bai Jesus, roh ham botul, tangar hata-Ni jalo bujur. Na roh do Jesus pagoluh ham, asal porsaya ham. Malas do uhurta in use, ai borsih hun bani dousa pe; Sai roh ma hita hu surga in, ai sonang do ijin.

3. Roh ham bai Jesus, papodas ma, ai seng ra la manulak ham;  
Parholong atei do Jesus in, tenger ma uhurmu;  
Malas do uhurta in use, ai borsih hun bani dousa pe;  
Sai roh ma hita hu surga in, ai sonang do ijin.

**5. Hata Haporsayaon**

**P. Riap ma hita jongjong!**

Saksihon hita ma haporsayaonta in, songon na sinaksihon ni haganup halak na porsaya bani sab tanoh on!

**P+J.** Ahu porsaya bani Naibata Bapa, Pargogoh na so tarimbang, na manompa langit pakon tanoh on. Ahu porsaya bani Jesus Kristus, Anak ni Naibata na sasada in, in do Tuhanta, na tinubuhkon ni si Maria sanggah nape haliaban, marhitei tonduy na pansing. Na manaron na parngit, bani panorang ni si Pontius Latus, iparsilangkon, matei anjaha itanom, turun hu nagori toruh. Mulak manggoluh humbani na matei bani ari patoluhon. Naik hu surga anjaha hundul i siamun ni Naibata Bapa, Pargogoh na so tarimbang in. Hunjai ma la mulak magira laho manguhumi halak na manggoluh pakon na dob matei. Ahu porsaya bani tonduy na pansing, bani kuria parsadaan na mapansing in, parsaoan ni sagala na mapansing in, bani hasasapan no dousa, bani parpuhooon ni angkula, pakon bani hagoluhan na sadokah ni dokahni. Amen! (*hundul kuria*)

**6. Persembahan Pujian**

**7. Tingting + Tonggo Pangapition**

**8. Mandoding 219. Marmegah-megah Hita on (1+3+4)**

1. Marmegah-megah hita on mamuji Naibata.  
Ai idop ni uhur-Ni do na masuk bai uhurta in.  
Ibaen nuan mardomu in,  
ijon sadari on, ijon sadarion

3. Sai dingat hita on tongon, mambaen sangap tongtong.  
Barita ni Tuhanta in, marhitei parlahouta in.  
I lobei ni hasoman in,  
iatas tanoh on, iatas tanoh on.

4. O Jesus, tatap hanai on, Ham ma margogohi on.  
Marhitei-hitei tondu-Mu, lao pasaudkon titah-Mu.

Mambaen rarat ambilan-Mu,  
Bai jolma haganup, bai jolma haganup.

**9. Ambilan: 5 MUSA 16: 13-17**

**10. Manggalang: (Roh ma na patumpuhon galangan hu lobei.)**

**P.** Paima ipatumpu hita galanganta, tangar hita ma lobei hata ni Naibata na gabe onjolan banta laho manggalang, aima na tarsurat bani: Psalmen 96:8, “ Bere nasiam ma bani Jahowa hamuliaon ni goran-Ni, boan nasiam ma galangan, masuk ma nasiam bani alaman-Ni.” **Sonari patumpu hita ma galanganta.**

1. Tubuhan poyon-poyon i tongah juma in  
Manggargar manuk manuk bai parasarannin  
Marbagei pakon ihan i bagas laut in  
Ge tinompa na legan seng targorani in  
Ganupan iparmudu Tuhanta Naibata  
Lobihan iparmudu ganupan hita da  
Sonai ge halayakon ibere do homa  
Talup hatahononta diatei tupa ma

2. Ibere do panondang mataniari in  
Bulan ampakon bintang panondang borngin in  
Udan logou ni ari pagantih soluk in  
Sonin ma ganup tingki pajagar tanoh in  
Ganupan iparmudu Tuhanta Naibata  
Lobihan iparmudu ganupan hita da  
Sonai ge halayakon ibere do homa  
Talup hatahononta diatei tupa ma

**11. Tonggo Galangan – Panutup – Pasu-pasu:**

**P.** Riap ma hita jongjong!

Ham Tuhan Naibata Bapanami na unjah hubannami. Tarimakasih ma Bamu, halani tongtong do ipasu-pasu Ham goluhnami. Sonari roh hanami hu lobei-Mu ibagas malas ni uhur mangondoskon buahni horja na dob pinasu-pasu-Mu in gabe galangan puji-pujion pakon hatarimakasihon nami hu Bamu . Halani ai malas ma umur-Mu, jalo Ham ma tonggo nami on!

K. *(Mandodingkon doding galangan No.340:1*

Huondoskon bani Jesus haganupan diringkon  
Ia do pasangaponku sadokah bai goluhkon  
Huondoskon ma, huondoskon ma.  
Bani Jesus Sipaluah, huondoskon ma

P. Ham Bapanami na i nagori atas, sai na papansing ma goran-Mu. Sai roh ma harajaon-Mu. Sai saud ma harosuh ni uhur-Mu i nagori tongah on songon na i nagori atas. Bere Ham ma bannami sadari on hagoluhan ari-ari. Sasap Ham ma dousanami songon panasapnami bani dousa ni hasoman na mardousa dompak hanami, Ulang hanami bobai Ham hu parlajouan. Paluah Ham ma hanami humbani pangangou!

K. (manoruskon tonggo on marhitei mandodingkon)

Ai ham do simada harajaon, pakon hagogohon, ampa hasangapon, sadokah ni dokahni. Amen.

**P. Paingkatkon (Pengutusan)**

Laho ma nasiam, janah “ulang ma surut ringgas ni uhur nasiam, hinsah ma ibagas tonduy, sirsir ma mambalosi Tuhan in.” (Rom 12:11).

**P. Jalo ham (hita) ma pasu-pasu humbani Tuhan Naibatanta:**

Ipasu-pasu anjaha iparorot Tuhan Naibata ma ham (hita). Isondangkon Tuhanta Naibata ma bohi-Ni hu bamu (hu banta) janah maidop ma uhur-Ni mangidah ham (hita). Idompakhon Tuhan Naibata ma bohi-Ni hu bamu (hubanta) janah ipasorap ma damei-Ni bani tonduymu (tonduyta bei). Amen.

K. (mandodingkon) Amen..... Amen..... Amen!